



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0027048 25
Sarajevo, 18.08.2025.godine

Na osnovu člana 35. stav 2. tačke e) i člana 216. stav 3. ZKP-a BiH, izdajem:

N A R E D B U
o nesprovođenju istrage

Neće se sprovesti istraga po anonimnoj prijavi, a zbog krivičnog djela Izazivanje, nacionalne, rasne i vjerske mržnje, razdora i netrpeljivost iz člana 145a. stav 6. KZ BiH, jer iz prijave i pratećih spisa je očigledno da prijavljeno djelo nije krivično djelo.

O b r a z l o ž e n j e

Tužilaštvo BiH je dana 20.05.2025.godine od strane Suda BiH zaprimilo na nadležni postupak krivičnu prijavu podnesenu od anonimnog podnosioca, zaprimljenu u Sud BiH dana 19.05.2025.godine.

U prijavi je navedeno da se „Prijavljuje mural osuđenog ratnog zločinca Ratka Mladića, koji se nalazi na zgradi pored glavnog puta u mjestu Lončari, a kojim je počinjeno djelo Izazivanje nacionalne, rasne i vjerske mržnje, razdora i netrpeljivosti“ sa izvodom iz štampe sa fotografijom murala Ratka Mladića.

Na zahtjev Tužilaštva BiH policijski službenici Državne Agencije za istragu i zaštitu RK Tuzla su u svojstvu svjedoka saslušali „(...)“ jednog od vlasnika nad zgradom „(...)“ aktuelnog ... opštine Donji Žabari i „(...)“ bivšeg ... opštine Donji Žabari.

U izjavi koju je dao policijskim službenicama „(...)“ je naveo da mu je poznato da se na zgradi u ul. Lončarska 1 mjesna zajednica Lončari, opština Donji Žabar na zidu zgrade nacrtan mural Ratka Mladića, jer u istoj zgradi stanuje od 1984. godine. Dalje je naveo da je u ranijem periodu zgrada pripadala mjesnoj zajednici Lončari, ali da je Republičkom uredbom došlo do promjene vlasnika i nije mu poznato ko je vlasnik dijela zgrade, osim dvosobnog stana čiji je vlasnik, a što se tiče vanjskog dijela zgrade da ne zna šta je i koji je dio njegovo vlasništvo, tako da mu nije poznato na čijem se vlasništvu nalazi mural. Prema sjećanju prije 6 ili 7 godina njemu nepoznati djevojka i mlađić su nacrtali predmetni mural, ali mu nije poznato da li su imali od nekoga ovlaštenje za crtanje istoga. Ista situacija je i sa reklamama koje se nalaze na zgradi, odnosno njega niko ništa nije pitao, niti naplaćuje naknadu od postavljenih reklama.

Iz izjave svjedoka „(...)“ policijskim službenicima Državne agencije za istrage i zaštitu proizilazi da je ... opštine Donji Žabari, i da se mural na objektu nalazi oko 6-7 godina. Pojednosto i licu odnosno licima koje je nacrtalo mural Ratka Mladića mu nije poznat. Zgrada na kojoj je naslikan mural je u vlasništvu opštine Donji Žabar, s tim da u zgradi nisu smještene institucije opštine, već se u istoj nalazi privatni stan i nije mu poznato ko boravi u njemu. U ranijem periodu odnosno 2022. godine, kao i prije mjesec dana je pokrenuo pitanje rješenja uklanjanja navedenog murala i isti će biti uklonjen kada dobiju pismenu naredbu nekog višeg tijela odnosno organa.

Policijski službenici su u svojstvu svjedoka saslušali i „(...)“ koji je naveo da je tokom 2018. ili 2019.godine od strane građana u mjestu Lončari nacrtan mural sa likom Ratka Mladića na zgradi. U jednom dijelu zgrada pripada „(...)“, i drugim dijelom opštini. On lično ne poznaje nikoga ko je crtao mural.

Policijski službenici su izvršili operativne provjere u Republičkoj upravi za geodetske i imovinsko-pravne poslove Regionalna kancelarija Banja Luka, Područna kancelarija Donji Žabari u vezi vlasništva na nekretninama, odnosno zgrade na kojoj je nacrtan mural sa likom Ratka Mladića te uvidom u listu nepokretnosti broj ... od ... 2025.godine evidentirano je da opština Donji Žabari i „(...)“ evidentirani kao imaooci prava na zgradi i posebnim dijelovima zgrade.

Kako se ni operativnim provjerama od strane policijskih službenika nije moglo utvrditi ko je autor murala Ratka Mladića na zgradi u Loparama odnosno iz izjava svjedoka „(...)“, „(...)“ i „(...)“ da su u pitanju njima nepoznati građani koji su nacrtali mural negdje u 2018. ili 2019.godine te s obzirom da je „Inzkov“ zakon donesen u junu 2021.godine, a djelo je počinjeno u vrijeme kada djelo nije predstavljalo krivično djelo iz člana 145a. stav 6. KZ BiH. S obzirom, da zakon ne dopušta retroaktivno krivično gonjenje u konkretnom slučaju nema krivičnog djela, pa je donesena odluka kao u dispozitivu naredbe.

O odluci će biti obaviješten anonimni podnosilac putam oglasne table Tužilaštva BiH koji ima pravo pritužbe u roku od 8 dana Uredu tužioca.

T U Ž I L A C
TUŽILAŠTVA – TUŽITELJSTVA BiH